

Graduan perlu kuasai bahasa Inggeris

UB 30.03.2022 P.06

Tahap penguasaan bahasa pengantar antarabangsa itu menunjukkan penurunan ketara

KOTA KINABALU: Pro Canselor Universiti Malaysia Sabah (UMS), Tan Sri Azman Hashim mengingatkan para graduan agar sentiasa meningkatkan penguasaan bahasa Inggeris.

Menurutnya, tahap pen- guasaan bahasa pengantar antarabangsa itu kini men-unjukkan penurunan dengan ketara.

“Tahap penguasaan ba- hasa Inggeris telah banyak menurun. Sebagai contoh, semasa temu duga kerja ter- dapat banyak graduan yang berprestasi rendah.

“Dalam persidangan antarabangsa juga menyak- sikan beberapa pihak dari Thailand dan Indonesia pernah mengusulkan pertan- yaan tersebut kepada kami,” katanya.

Beliau berkata demikian ketika berucap di hadapan 764 graduan sidang 3, Majlis



AMANAT: Azman ketika menyampaikan amanat bella.

Konvokesyen UMS ke-22, kelmarin.

Azman turut memak- lumkan para graduan yang bergraduasi juga tidak ber- maksud sesi pembelajaran

mereka telah tamat.

“Ia menandakan fasa seter- usnya dalam proses pembela- jaran anda. Ya, belajar adalah perkara seumur hidup.

“Seperti saya, banyak

perkara yang dipelajari da- hulu kini tidak lagi relevan. Saya sedang mempelajari banyak perkara baharu yang bersifat kekal dan relevan sesuai dengan masa.

“Dalam dunia perniagaan dan ekonomi, saya perlu belajar tentang dunia siber, keselamatan siber, kecer- dasan buatan (AI), mata wang kripto, bitcoins, pengkom- puteran, dron, penyemburan udara, dan penghantaran makanan,” katanya.

Menurut Azman, para graduan juga harus mempu- nyai nilai yang baik.

“Atribut siswazah ialah kualiti, kemahiran dan pemahaman tahap tinggi yang perlu diperoleh oleh pelajar hasil daripada pembelajaran dan pengalaman yang mereka terlibat semasa berada di universiti.

“Selain itu, para graduan perlu sentiasa mengamal- kan integriti yang tinggi dan menghindari budaya rasuah,” katanya.

Hadir sama, Naib Canselor UMS, Prof. Datuk ChM. Ts. Dr Taufiq Yap Yun Hin.